

# Angularis fundamentum

## Brevier-Himno

Komunaj tekstoj > Dediĉo de preĝejo > matena laŭdo

*Angularis fundamentum  
lapis Christus missus est,  
qui parietum compage  
in utroque nequitur,  
quem Sion sancta suscepit,  
in quo credens permanet.*

*Omnis illa Deo sacra  
et dilecta civitas,  
plena modulis in laude  
et canore iubilo,  
trinum Deum unicumque  
cum fervore prædicat.*

*Hoc in templo, summe Deus,  
exoratus adveni,  
et clementi bonitate  
precum vota suscipe;  
largam benedictionem  
hic infunde iugiter.*

*Hic promereantur omnes  
petita acquirere  
et adepta possidere  
cum sanctis perenniter,  
paradisum introire  
translati in requiem.*

*Gloria et honor Deo  
usquequaque altissimo,  
una Patri Filioque  
atque Sancto Flamini,  
quibus laudes et potestas  
per æterna sæcula.*

*Amen.*

Esti baz-angula ŝtono,  
fundamento, kaj en Si  
ambaŭ murojn unuigi  
venis Krist', la Di-sendit',  
estas nun en sankta Cion,  
restas ni en Li per kred'.

Plenas tiu ĉi popolo,  
kiun amas nia Di',  
de kantad', jubil' kaj gloro,  
kaj en bela harmoni'  
Dion unu tripersonan  
ni adoras kun fervor'.

En ĉi templo, Di' plej granda,  
Vi aperu inter ni.  
Vi akceptu niajn preĝojn  
kun mildeco kaj favor'.  
Vian benon malavaran  
ĉiam verŝu tie ĉi.

Tie ĉi meritu trovi  
ĉiu, kion petis li,  
kaj posedi la donitan  
ĉiam kun la sanktular',  
fine iri paradizon  
transirante al ripoz'.

Estu gloro kaj honoro  
nun al Vi, plej alta Di',  
al la Patro kaj la Filo  
kaj la Sankta Di-Spirit',  
ĉar al Vi potenc' kaj laŭdo  
nune, ĉiam, en etern'.

Amen.

latina T: nekonata verkinto,  
6-a ĝis 8-a jarcento

E: Albrecht Kronenberger 2008